



**JAVNO PREDUZEĆE  
ŠUMSKO PRIVREDNO DRUŠTVO  
ZENIČKO - DOBOJSKOG KANTONA  
d.o.o. ZAVIDOVIĆI**

**JP "ŠPD ZDK" d.o.o. Zavidovići**

Upisano u Registar Kantonalnog suda u Zenici pod  
brojem I-9014, Rješenje br. U/I 916/04  
ID broj: 4218431050005  
PDV Broj: 218431050005 Por. br.: 05072148  
Transakcijski računi:  
Union banka d.d. Sarajevo 1020320000013296  
ASA Banka d.d. Sarajevo 1340300000062287  
Unicredit Bank d.d. Mostar 3384202214508407  
Raiffeisen BANK d.d BiH 1610550016400016

Broj:03-874-1/21

Dana, 18.02.2021. godine

Na osnovu članova 4. i 8. Uredbe o postupku prijema u radni odnos u javnom sektoru u Zeničko-dobojskom kantonu (Službene novine Zeničko-dobojskog kantona broj: 8/19) i članova 2. i 6. Pravilnika o radu Javnog preduzeća "Šumsko-privredno društvo Zeničko-dobojskog kantona" d.o.o. Zavidovići – prečišćeni tekst, te na osnovu Odluke o potrebi prijema u radni odnos na određeno radno vrijeme broj: 03-874/21 od 16.02.2021. godine raspisuje se:

**JAVNI OGLAS  
za prijem u radni odnos na određeno radno vrijeme**

**1. POSLOVNA JEDINICA „ŠUMARIJA“ OLOVO**

**A) RADNA JEDINICA OLOVO**

- Šumarski tehničar primač-otpremač - 3 izvršioca
- Vozač zglobnog traktora-radnik u šumarstvu - 1 izvršilac

**B) RADNA JEDINICA SOLUN**

- Vozač – pomoćni radnik - 1 izvršilac
- Vozač zglobnog traktora-radnik u šumarstvu - 1 izvršilac
- Sjekač-radnik u šumarstvu - 4 izvršioca
- Radnik u šumarstvu - 4 izvršioca
- Kočijaš-pomoćni radnik - 2 izvršioca

**2. POSLOVNA JEDINICA „ŠUMARIJA“ VAREŠ**

- Inženjer u šumarstvu - 1 izvršilac
- Referent šumarstva - 1 izvršilac
- Vozač zglobnog traktora-radnik u šumarstvu - 1 izvršilac
- Sjekač-radnik u šumarstvu - 1 izvršilac
- Radnik u šumarstvu - 1 izvršilac

**3. POSLOVNA JEDINICA „ŠUMARIJA“ZAVIDOVIĆI**

- Inženjer u šumarstvu - 1 izvršilac
- Radnik u šumarstvu - 1 izvršilac

**OPISI POSLOVA RADNIH MJESTA I PROPISANI POSEBNI USLOVI:**

**Inženjer u šumarstvu:** Sastavlja godišnje, dinamičke i operativne planove sječe i izrade, izvoza i otpreme šumskih drvnih sortimenata, dinamičke i operativne planove šumsko-uzgojnih radova i integralne zaštite šuma u Radnoj jedinici, vrši nadzor realizacije radova na uzgoju i iskorištavanju šuma u skladu sa izvedbenim projektima, gradnje šumskih komunikacija u skladu sa projektnom dokumentacijom i godišnjim planom Radne jedinice, kontroliše, nadzire i koordinira realizaciju tehnološkog procesa proizvodnje i korišćenje sredstava za rad u skladu sa projektovanom tehnologijom, radi na prikupljanju i izradi projekata šumsko uzgojnih radova (priprema terena za sjetvu sjemena, priprema terena za sadnju sadnica, sadnja sadnica, okopavanje,čišćenje nasada i prorede šumskih kultura), organizuje i nadzire radove zaštite šuma od požara i izvođenje radova na sanaciji sanitarnih užitaka sa vlastitim sredstvima, kooperantima ili maloprodajom, radi iskaz sječa za području na kojem gazduje Radna jedinica i koordinira izradu istog za nivo Poslovne jedinice, kao i organizaciju izrade i

kontrolu tačnosti skontar,spiskova i radnih naloga, kontroliše rad tehničkog osoblja na terenu, vrši realizaciju izvedbenih projekata za koje se odredi rješenjem, odgovara za primjenu zakonskih i internih propisa iz oblasti Zakona o šumama i Zakona zaštite na radu i internih akata preduzećaVrši doznaku stabala za sječu, na terenu radi projektovanje kompletne infrastrukture za izvođenje radova u šumarstvu, na osnovu prikupljenih podataka i elemenata predlaže najefikasniju tehnologiju za izvođenje radova u šumarstvu, radi projekte za izvođenje, njihove izmjene i dopune, vrši projektovanje šumskih komunikacija, kamionskih puteva, studij otvaranja područja po odredbama ŠGO, prati realizaciju projekata za izvođenje, predlaže mjere za otklanjanje propusta i nedostataka, obavezno učestvuje u konačnom tehničkom pregledu odjela poslije završenih radova, obavlja i druge poslove iz djelokruga rada, a koje mu je dao u nadležnost vodeći projektant, obavlja i druge poslove na koje ga rasporedi neposredni rukovodilac.

Osnovni iznos plaće **1.199,44 KM.**

**Posebni uslovi:**

- VSS-VII.1/MA-300 ECTS/ BA-240 ECTS završen šumarski fakultet-odsjek u šumarstvo
- Najmanje 1 godina radnog iskustva u struci

**Referent šumarstva:** Prikuplja podatke o sječi, izvozu i otpremi šumskih drvnih sortimenta i prati realizaciju operativnih planova dnevno, sedmično i mjesečno, radi skontar i spiskove i kontroliše radne naloge i obračun ličnih dohodaka za radove izvedene u fazi sječe, izvoza i otpreme šumskih drvnih sortimenata, vrši analizu izvršenja normi rada u šumarstvu, potrošnju goriva i maziva u skladu sa normativom po sredstvima rada i organizacionim jedinicama, formira i vodi kontrolnu knjigu i privredne knjige u skladu sa Zakonom o šumama i Pravilnikom, prima mjesečne izvještaje i sastavlja zbirne izvještaje i situacije službi za uzgoj i rukovodiocu poslovne jedinice, pomaže na obradi podataka za iskaz sječa poslovne jedinice, vodi evidenciju o šumsko-uzgojnim radovima i zaštiti od biljnih bolesti, insekata i drugih štetnika, vodi evidencije o sredstvima zaštite od požara, izvještaje o eventualnim štetama nastalim od požara, vodi evidenciju šumarskih čekića na nivou poslovne jedinice kao i registre strogo zaračunljivih tiskanica i knjiga, po ukazanoj potrebi odlazi na teren i obavlja terenske poslove u vezi referata, učestvuje u snimanju normi rada u šumarstvu, obavlja i druge poslove po nalogu neposrednog rukovodioca.

Osnovni iznos plaće **791,60 KM.**

**Posebni uslovi:**

- BA-180 ECTS-šumarski fakultet/odsjek šumarstvo/SSS-IV šumarski tehničar
- Najmanje 1 godina radnog iskustva za BA-180 ECTS, a 3 godine za SSS-IV

**Šumarski tehničar primač-otpremač:** organizuje i izvodi sve radove na poslovima šumsko-uzgojnih radova i zaštiti šuma, obavlja poslove organizacije izvoza i primanja drvnih sortimenta koji se izvezu komorom ili mehanizovanim sredstvima od šuma-panja do traktorske vlake ili šumarskog stovarišta – međustovarišta, vrši primanja učinka i unosi podatke u knjigu premjerbe po sortimentima, unosi podatke u radni nalog za one zaposlenike kojima je vršio primanje učinka, po potrebi mjeri udaljenosti, distancu izvoza drvnih sortimenata, vodi računa da se drveni sortimenti iz šume izvoze po napadu, odgovoran je za kretanje šumske mehanizacije u sječini, u skladu sa projektom za izvođenje radova, dužan je voditi računa da prilikom primicanja i izvoza drvnih sortimenata ne šteti dubeca stabla, šumski podmladak, druge sortimente i šumski red, organizuje i odgovoran je za pravilno sortiranje drvnih sortimenata na stovarištu, rukovodi utovarom svih drvnih sortimenata, odgovoran je za primjenu propisa i sredstava HTZ-a za radnike na izvozu, utovaru ili na šumsko-uzgojnim radovima, odgovoran je za isporuku sortimenata kupcima po dispozicijama, utvrđenim klasama i napadu izveženih drvnih sortimenata, otprema šumske sortimente pri čemu je odgovoran za količinu i kvalitet otpremljene robe uz koju sastavlja i izdaje otpremnicu, vodi propisane evidencije i sastavlja izvještaje, brine se i odgovara te preuzima mjere propisa Zakona o šumama, zaštite na radu i opštih akata društva, obavlja i druge poslove po nalogu neposrednog rukovodioca.

Osnovni iznos plaće **791,12 KM.**

**Posebni uslovi:**

- SSS – IV šumarski tehničar
- Najmanje 6 mjeseci radnog iskustva u struci

**Vozač-pomoćni radnik:** Obavlja poslove prevoza zaposlenika društva do radnog mjesta, vrši i sve vrste prevoza po putnom radnom nalogu, vodi svoj dnevnik rada i uredno popunjava radne naloge, odgovoran je za ispravnost i unutaranju čistoću vozila, vožnju prilagođava prema svim uslovima puta po kojima se kreće i po potrebi posla bez obzira na vremenske uslove, brine se o montaži zimske opreme na vozilu, pravilno vodi evidenciju putnog radnog naloga i druge dokumentacije, brine se i odgovara za pravilno korištenje i održavanje vozila, pridržava se i odgovoran je za primjenu i sprovođenje propisa i naredbi iz oblasti saobraćaja, izvještava neposrednog rukovodioca o kvarovima na vozilu, pomaže mehaničaru pri većim opravkama, manje kvarove otklanja samostalno, vrši redovne preglede vozila i stara se o blagovremenoj zamjeni ulja za podmazivanje, odgovoran je za nastale štete na vozilu koja nastane krivicom vozača, odgovoran je za pravilnu upotrebu HTZ sredstava, pomaže otpremaču pri otpremi tanke oblovine, održava izvozne šumske puteve i planke, a po potrebi izgrađuje i nove, vrši raščišćavanje šumskih puteva, odvraća vodu, čisti snijeg i blato, po potrebi postavlja talpe i plančone, radi na izradi i postavljanju mostića i propusta, na stazi izvoza vrši popraćaj trupaca i zaštitu stabala, vrši poslove kod primanja učinaka sjekačima na način da nosi čekić za prijem šumskih drvnih sortimenata i vrši žigosanje panjeva i izrađenih šumskih drvnih sortimenata, nosi čekić za pločice za numeraciju drvnih sortimenata, vrši numerisanje izrađenih šumskih drvnih sortimenata sa čekićem za pločice, obavlja i druge poslove po nalogu neposrednog rukovodioca.

Osnovni iznos plaće **740,08 KM.**

**Posebni uslovi:**

- SSS-IV/KV-III položen vozački ispit "C" kategorija
- Najmanje 1 godina radnog iskustva

**Vozač zglobnog traktora – radnik u šumarstvu:** obavlja poslove primicanja, privlačenja i sortiranja drvnih sortimenata iz šume (od panja, šumskog i među stovarišta) do stovarišta na kamionskim putevima, prilikom izvoza sortimente izvozi po redu (napadu) a rasute-izvučene sortimente povremeno kupi sa i oko izvozne vlake, vrši manje opravke i redovno održava traktor (čišćenje, pranje, podmazivanje, montiranje guma i kontrola ispravnosti), obavezno vodi dnevnik rada traktora i upisuje učinak, potrošnju goriva i maziva, rezervnih dijelova, sajli i sajlica u radni nalog koji mu poslovođa radilišta ili primač na stovarištu na kraju radnog dana ovjerava, brine se i odgovara za ispravnost, pravilno korištenje i održavanje traktora, pomaže mehaničaru pri većim opravkama, pomoćniku traktoriste i drugim vozačima zglobnih traktora kod formiranja ture ili otežanom kretanju po izvoznim vlakama, brine se o pravilnom korišćenju i održavanju izvoznih vlaka i manjih opravkama istih, odgovoran je za pravilnu upotrebu HTZ sredstava, u slučajevima zastoja (kvar traktora i sl.) dužim od dva dana obavlja poslove radnika u šumarstvu, obavlja i druge poslove po nalogu neposrednog rukovodioca.

Osnovni iznos plaće **740,08 KM.**

**Posebni uslovi:**

- KV-III/PKV-II položen vozački ispit B kategorije, potvrda/uvjerenje o osposobljenosti upravljanja šumskim zglobnim traktorom
- Najmanje 6 mjeseci radnog iskustva na poslovima u šumarstvu

**Sjekač- radnik u šumarstvu:** rukuje motornom pilom, istu čisti i održava, snabdijeva gorivom i mazivom, oštri lanac, određuje smjer rušenja stabla, zasijeca, reže (pila) i obara stablo, kreše deblje grane, kroji i izrađuje drvene sortimente u skladu sa standardom, guli koru, kreše grane sjekirom, cijepa i slaže sortimente, nosi motornu pilu u sječinu, nosi gorivo i mazivo, vrši doradu drvnih sortimenata na stovarištima, prerezivanje sortimenata prilikom otpreme kupcima, vrši izradu štila za sjekire i capine, uspostavlja šumski red, a po potrebi vrši lifranje, primjenjuje propise zaštite na radu, u slučajevima zastoja (kvar motorne pile i sl.) dužim od dva dana obavlja poslove radnika u šumarstvu, obavlja i druge poslove po nalogu neposrednog rukovodioca.

Osnovni iznos plaće **714,56 KM.**

**Posebni uslovi:**

- KV-III/PKV-II, potvrda/uvjerenje o osposobljenosti rada motornom pilom
- Najmanje 6 mjeseci radnog iskustva na poslovima sjekača u šumarstvu

**Radnik u šumarstvu :** pomaže motoristi u radu, priprema alat, vrši podguljivanje, keglovanje čišćenje oko stabla, pomaže motoristi pri rušenju stabla, kreše grane i guli stablo i okreće

trupce, cijepa i slaže sortimente, odgovoran za uspostavljanje šumskog reda u šumi, vrši izradu štila za sjekire i capine, priprema, izvlači sajle i kači tovar za traktor, prati traktor i uklanja kamen i šumske drvene sortimente sa traktorskih vlaka koji smetaju pri izvozu, prilikom raspinja-izvlačenja tovara pri vuči ponovo priprema i kači isti, na stovarištu odkačuje (iskiva) tovar i uklanja (obara) sa vlaka na stovarište, stalno ide uz traktor i prati rad traktora, za vrijeme kraćih zastoja traktora priprema tovar za izvoz ili pomaže traktoristi ako je to potrebno pri opravkama, sipanju goriva i maziva i slično, prerezuje duže komade oblovine, vrši slaganje kao i utovar oblovine i cijepanih sortimenata i izgradnju privremenih utovarnih rampi, po potrebi lifra građu u šumi do mjesta odakle je prihvaća zaprega ili traktor, po potrebi rukuje traktorom i izvozi oblovinu četinara i lišćara na stovarištu, vrši slaganje (meglanje) trupaca, primjenjuje propise zaštite na radu, odgovara za pravilnu upotrebu HTZ sredstava, obavlja i druge poslove po nalogu neposrednog rukovodioca.

Osnovni iznos plaće **663,52 KM.**

**Posebni uslovi:**

- KV – III/PKV – II
- Najmanje 6 mjeseci radnog iskustva na poslovima u šumarstvu

**Kočijaš-pomoćni radnik:** hrani i čisti konje, vrši izvoz drvnih sortimenata, brine se o ispravnosti opreme za konje i o eventualnoj njihovoj povredi ili oboljenju, čisti konje i pere poslije radnog vremena, izvlači šumske drvene sortimente do traktorske vlake ili na glavno stovarište - na utovarnu rampu, učestvuje u potkivanju konja, primjenjuje propise o zaštiti na radu, uredno koristi HTZ-opremu, obavlja i druge poslove po nalogu neposrednog rukovodioca.

Osnovni iznos plaće **714,56 KM.**

**Posebni uslovi:**

- KV – III/PKV – II
- Najmanje 6 mjeseci radnog iskustva na poslovima u šumarstvu

**OPĆI USLOVI:**

1. Da je državljanin Bosne i Hercegovine
2. Da je stariji od 18 godina
3. Da je zdravstveno sposoban za vršenje poslova predviđenih za radno mjesto na koje bude izabran.

**DOKAZI KOJI SE DOSTAVLJAJU NA OGLAS:**

1. Prijava na oglas
2. Uvjerenje o državljanstvu (original ili ovjerena kopija)
3. Potvrda o prebivalištu CIPS (original ili ovjerena kopija)
4. Diploma o završenom obrazovanju (ovjerena kopija)
5. Potvrda o radnom iskustvu ili uvjerenje Porezne uprave ( original ili ovjerena kopija)
6. Ovjerena kopija vozačke dozvole za radno mjesto “Vozač-pomoćni radnik”
7. Potvrda/Uvjerenje o osposobljenosti upravljanja šumskim zglobnim traktorom za radno mjesto “Vozač zglobnog traktora-radnik u šumarstvu” ( original ili ovjerena kopija)
8. Potvrda/Uvjerenje o osposobljenosti rada motornom pilom za radno mjesto “Sjekač-radnik u šumarstvu” ( original ili ovjerena kopija).

**Jednom prijavom se može konkurisati na više radnih mjesta (precizno označiti radno mjesto, poslovnu jedinicu, radnu jedinicu) .**

**NAPOMENE ZA KANDIDATE:**

Radni odnos se zasniva na određeno vrijeme u trajanju do 90 dana a najduže do 30.06.2021. godine.

Za oglašena radna mjesta nije predviđen probni rad.

Kontakt osoba zadužena za davanje dodatnih obavještenja Šarić Edisa, sekretar društva.

Prijava na javni oglas mora biti potpisana od podnosioca prijave, u suprotnom će se smatrati neurednom prijavom.

Nepotpune, neblagovremene i neuredne prijave, odnosno prijave kandidata koji uz prijavu na konkurs ne dostave traženu dokumentaciju, neće biti razmatrane.

## **KRITERIJI ZA BODOVANJE:**

Postupak izbora za kandidate za radna mjesta za koja je kao uslov propisano osnovno i srednje obrazovanje zasniva se na razmatranju dostavljene dokumentacije i održanom intervjuu sa svakim od kandidata koji će vršiti komisija koja ima za cilj da utvrdi personalne karakteristike i iskazane sposobnosti kandidata za obavljanje poslova konkretnog radnog mjesta. Kandidat će biti bodovan ocjenama od 1 do 5.

Za radna mjesta za koja je kao uslov propisano više i visoko obrazovanje postupak izbora se zasniva na razmatranju dostavljene dokumentacije, te održanom pismenom i stručnom ispitu sa svakim kandidatom.

Pismeni dio stručnog ispita kandidati polažu u vidu testa koji se sastoji od 15 pitanja i svaki tačan odgovor ocjenjuje se sa jednim bodom, a na usmenom stručnom ispitu kandidate ocjenjuje svaki član komisije dodjeljujući određen broj bodova najviše do 5 bodova.

Samo kandidati koji su na pismenom stručnom ispitu ostvarili najmanje 10 tačnih odgovora mogu pristupiti usmenom stručnom ispitu.

Konačna ocjena kandidata za radna mjesta za koja je kao uslov propisano osnovno i srednje obrazovanje čini zbir bodova datih od svakog člana komisije, a za radna mjesta za koja je kao uslov propisano više ili visoko obrazovanje konačnu ocjenu čini zbir bodova sa pismenog i usmenog dijela stručnog ispita.

Izuzetak čini radno mjesto "Referent šumarstva" gdje kao poseban uslov propisan BA-180ECTS-šumarski fakultet/odsjek šumarstvo/SSS-IV šumarski tehničar, postupak izbora kandidata vršit će se na način koji je propisan za visoko stručno obrazovanje.

## **Literatura iz koje će biti pismeni i usmeni stručni ispit:**

### **Radno mjesto Inženjer u šumarstvu:**

- Zakon o šumama (Službene novine Zeničko-dobojskog kantona 8/13)
- Pravilnik o načinu odabiranja, doznaci i sječi stabala ili površina za sječu (Službene novine Zeničko-dobojskog kantona broj: 13/13),
- Pravilnik o sadržaju i postupku izrade šumskogospodarskih osnova za državne i privatne šume (Službene novine Zeničko-dobojskog kantona broj: 13/13),
- Pravilnik o obimu mjera o uspostavljanju i održavanju šumskog reda i načina njihovog provođenja (Službene novine Zeničko-dobojskog kantona broj: 13/13),
- Pravilnik o načinu žigosanja, odbrojčavanja, premjeravanja, sadržaju i načinu izdavanja otpremnog iskaza za drvo (Službene novine Zeničko-dobojskog kantona broj: 13/13).

### **Radno mjesto Referent šumarstva:**

- Zakon o šumama (Službene novine Zeničko-dobojskog kantona 8/13)
- Pravilnik o načinu odabiranja, doznaci i sječi stabala ili površina za sječu (Službene novine Zeničko-dobojskog kantona broj: 13/13),
- Pravilnik o sadržaju i postupku izrade šumskogospodarskih osnova za državne i privatne šume (Službene novine Zeničko-dobojskog kantona broj: 13/13),
- Pravilnik o obimu mjera o uspostavljanju i održavanju šumskog reda i načina njihovog provođenja (Službene novine Zeničko-dobojskog kantona broj: 13/13),
- Pravilnik o načinu žigosanja, odbrojčavanja, premjeravanja, sadržaju i načinu izdavanja otpremnog iskaza za drvo (Službene novine Zeničko-dobojskog kantona broj: 13/13).

O vremenu i mjestu održavanja postupka izbora poslodavac će obavijestiti kandidate u pisanom obliku, putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi i to najmanje 5 dana prije održavanja ispita. U postupku izbora kandidata poslodavac će isključivo komunicirati sa kandidatom pismenim putem.

Kandidati koji budu izabrani dužni su u roku od 15 dana od dana zaprimanja obavještenja o njihovom izboru kao najboljem kandidatu, dostaviti ljekarsko uvjerenje.

**Osnovna plaća** je proizvod najniže neto plaće i koeficijenta složenosti poslova. Najniža neto plaća utvrđuje se u iznosu od 55% prosječne plaće isplaćene u Federaciji BiH prema posljednjim objavljenom podatku Federalnog zavoda za statistiku za prethodnu godinu za mjesečni fond od 176 sati te se koriguje za efektivni fond sati za tekući (obračunski) mjesec.

Prijave na oglas se mogu lično predati u Poslovnoj jedinici, a mogu se dostaviti i preporučenom poštom na adresu:

**Javno preduzeće  
“Šumsko-privredno društvo Zeničko-dobojskog kantona” d.o.o. Zavidovići,  
Ulica Alije Izetbegovića br. 25. Zavidovići,  
72220 Zavidovići  
(sa naznakom –NE OTVARAJ – PRIJAVA NA JAVNI OGLAS)**

Ovaj oglas će biti objavljen u dnevnom listu “Dnevni avaz” i putem web stranice preduzeća ([www.spdzdk.ba](http://www.spdzdk.ba)), kao i na web stranici osnivača – Zeničko-dobojski kanton ([www.zdk.ba](http://www.zdk.ba)). Oglas se dostavlja i u JU Služba za zapošljavanje Zeničko-dobojskog kantona najkasnije na dan objave u dnevnom listu, koja ga isti dan objavljuje na svojoj web stranici.

Prijava sa traženim dokumentima dostavlja se u roku od 8 dana od dana njegove posljednje objave.

**D I R E K T O R**

\_\_\_\_\_  
Jasmin Devedžić, dipl.pravnik